

榆次縣志卷之一

地理



榆次之名始見於戰國趙惠文王時秦攻趙拔榆次等城是也上古帝榆罔憑太行以居冀州榆罔之後國為榆州榆州亡於西周之末汲冢周書所云孤而無使曲沃伐之榆州以亡者也榆州既亡其社存焉古謂之榆社當北魏時榆社故城猶存見北魏書榆次與榆社地相次接屬故因以稱名榆次表涂水其在春秋始猶未屬晉地

榆次縣志

卷一

地理

至獻公以後國益強大悼平之時土地愈辟而榆次始為晉邑其先中行氏有之亦為祁大夫田後智氏又有之自韓魏趙三家滅智伯而地分於魏故謂之魏榆後地又入於趙然榆次先固屬上黨至秦伐趙拔榆次而始隸太原

榆次縣志

卷一

地理

一

縣志

卷一

地理

一

縣志

卷一

地理

一

縣志

卷一

地理

一

縣志

卷一

地理

一

縣志

卷一

舊志地理革沿自戰國以前尤畧今採諸書
爲加詳考使源流洞然而地之所由名亦以
顯著榆次先屬上黨者上黨地甚大有南上
黨有北上黨中分潞州而南謂之南上黨秦
趙戰長平處今澤州府是南上黨也戰國秦

榆次縣志

卷一 地理

三

攻趙闕與漢初韓信禽夏說於闕與通典云
漢沾縣地卽闕與邑又云儀之和順爲闕與
故地樂史寰宇記云今潞之故闕與城漢梁
榆也自闕與循太行至上艾境是爲北上黨
按漢沾縣唐儀州卽今之遼州梁榆卽今之
榆社與和順縣皆境壤環接則戰國時榆次
屬上黨明矣

秦莊襄王二年攻趙定太原三年攻趙榆次新城
狼孟取三十七城四年初置大原郡榆次屬焉

史記正義云太原郡地卽以上所取三十七城爲屬邑

漢承秦制榆次縣隸太原郡

晉置太原國榆次隸太原國分其東北地爲壽陽縣自晉東渡而太原雜入於劉石苻秦慕容氏改國爲郡縣之隸係如故

北魏太原郡榆次仍隸焉真君二年並省其地入於晉陽至景明元年復爲榆次縣

北齊改榆次置中都縣

榆次縣志

卷一 地理

四

按中都自戰國時已有之秦本紀伐趙取中都是也漢置中都縣地理釋名云因晉中行氏所都故稱中都中都與榆次地相出入蓋隋氏以前榆次境甚廣故漢析其南之半合陽邑平陶立中都縣而晉又分其東北餘地置壽陽若齊之中都則因北魏之舊而更擴其地故榆次城壽陽城平譚城並在其封內矣

隋開皇中復改北齊中都縣爲榆次縣隸太原郡

又析餘地爲清源縣

唐隸太原府太原爲北京榆次爲畿縣又稱南趙
五代並如唐制

按五代唯梁與周無太原地其唐晉漢皆起
太原故亦以太原爲北京而榆次仍稱畿縣
宋太平興國四年平北漢毀太原城徙并州治於
榆次五月更名榆次爲并州七年於陽曲縣之
唐明鎮立新州治而榆次復爲縣隸并州爲次
畿

榆次縣志

卷一

地理

五

按是時潘美爲并帥奏乞復并州之舊乃徙
州治別建而以縣隸州如故

自舜肇十二州兩漢因之歷晉至北魏皆以
州統郡并州刺史治所則在太原今太原縣若太

原郡雲中郡代郡雁門郡五原郡等並并州
刺史領之至隋始盡改郡爲州由是州與郡
同不復統領然太原仍稱并州下至唐宋皆
然唐初置并州都督旣而陞太原爲北京而
并州之名亦不廢故唐書宋史皆兩載其文

如李勣爲并州都督而李光弼馬燧等則爲太原尹是也又宋韓琦滕宗諒馮京等傳或云知并州或云知太原府此蓋當時之制有如是者至宋徙并州治於榆次復徙建新并州於唐明鎮由是始爲今太原府而非漢以來并州刺史所治太原之舊矣

金太原府領縣十一榆次仍隸焉縣列太谷清源徐溝後爲下縣

元隸太原路後改太原爲冀寧榆次列祁縣後爲

榆次縣志 卷一 地理 六

下縣

明隸太原府

國朝因之

上沿 革

宋太宗初以榆次縣爲并州廣其封圻至四百餘里金大定中以地廣民衆割其東三百戶入壽陽西四千五百戶入平晉南三千七百五十二戶入太谷西南六百戶入徐溝西北八百戶入陽曲榆次所存尚三萬二千六百餘戶

榆次縣東西廣八十五里南北袤一百一十五里
東至壽陽縣西落鎮界三十五里 西少北至
太原縣界二十五里 南抵東陽鎮至太谷縣
界三十五里 北至陽曲縣界八十里 東南
抵霍城村至遼州和順縣界九十六里 西南
抵永康鎮至徐溝縣界三十五里 東北抵什
貼至壽陽縣界四十五里 西北抵後溝至陽
曲縣界四十里自榆次縣治西北至太原府治
六十里由縣治東北一千一百里達於京師其

榆次縣志

卷一 地理

七

達於四方者東抵和順曰源溝曰八達曰相立
曰石圪塔曰中庄曰仁烏曰慶城曰霍城南抵
太谷曰王村曰陳侃曰東陽西北抵陽曲曰趙
村曰侯方曰秋村縣東北十里爲王胡鎮自王
胡而東北曰付村曰要店曰什貼則抵壽陽界
自王胡而西南曰南谷曰張慶曰永康則抵徐
溝亦是爲京師秦蜀往來通途什貼南五里爲
三岔口自三岔口而西曰龍白曰峪頭曰鳴謙
曰磚井則爲省會大道由縣治抵鳴謙曰

以上源澗等 其鳴謙西南驛路則歷張村趙村
虞皆設舖司 寇村抵張慶以達於徐溝

上疆
域

縣之形勢遠以壽陽太谷和順爲屏蔽近與太原
陽曲相襟帶并高以望連山拱峙乎東北二水
流澗以交縈自昔以來地多用武若夫由壽陽
以至平定則可以臨真定之井陘由八縛嶺以
至黃榆則可以趨直隸之順德由太谷而南度
鼠雀之谷則可以向汾州由孟縣而北出兩嶺

榆次縣志 卷一 地理

八

山則可以通忻代且夫沃野無盡阡陌駢羅戶
口多於臨淄生聚繁於會計一壤十獲飽資數
年是以擅雄劇之稱爲都邑之勝矣而堪輿之
家以爲榆城中處兩河界分澗河在北往往涸
絕若洞渦合大小涂數水起自東南歸流於汾
其源不息從巽而坤有長養之象焉縣所以殷
阜饒庶此其驗也

上形
勢

舊志罕山北峙涂水南縈左枕太行之麓右

跨汾河之澣太行汾河相距正遠於形勢要領不能得也又引唐人襟四塞之要衝控五原之都邑則文字華辭終非實錄至以所云罕山時雨涂水洪濤者分爲八景列於簡端尤無取焉

榆次之分野當天文畢昴間

太史公曰趙地昴畢之分野趙得趙國太原定襄雲中五原上黨皆趙地也

春秋元命苞昴畢間爲天街散爲冀州流爲趙國榆次縣志

卷一 地理

晉天文志太原入東井二十九度

唐書觜觥參伐實沈分也初畢十度中參七度終井十二度其分野得太原

明一統志太原禹貢冀州之域天文參井分野圖書編山西諸郡太原參井分野

舊志與府志省志皆以榆次屬太原同爲參井之分野夫星野諸家雜出不同由太史公元命苞之言則榆次絕不在參井之分如晉書及諸志所云則榆次又殊乖畢昴之次唯

唐書謂初畢十度中參七度終井十二度得
太原則太原自爲參井分而與榆次分星而
榆次之爲昴畢之分皎然甚明蓋初畢中參
終井正謂郡有三星之分不謂一郡盡得參
與東井也以郡地言之由東而中由中而西
所云初畢者起太原東邊地也中參者太原
郡之中也終井者太原西邊地也唐時太原
郡東起壽陽榆次則其所謂起畢十度也中
參七度者則文水清源諸縣也終井者則太
原陽曲交城諸縣也由此觀之則榆次之不
麗於參井審矣且星度有以地三百六十里
當一度者舉周天九萬里之數推之也有以
地二十五里當一度者則就中國方九千里
準之也故列國所在有數百里而仍同一星
者有州郡相距才數十里而不同星者距數
十里而不同星者榆次之與太原是也晉書
趙郡入畢八度真定入畢十三度樂平入畢
四度鉅鹿入昴三度中山入昴一度昔之趙

郡鉅鹿今順德府地中山今定州地樂平今平定州地其與榆次東南北相距皆不過五百里而一定尤近所云起畢十度者其與真定中山樂平之星度正相接而昴亦入焉故榆次本乃大梁之分無與實沈其分野在畢昴間得畢爲多也又考星經占法云分野所係要當以其地之應占變者爲準昔趙惠文王時月嚙畢而秦拔榆次唐天寶末昴畢相鬪而安祿山將反遣驍騎十八人入太原擒

榆次縣志

卷一

地理

十一

節度使楊光翹以去未幾使史思明圖太原而攻榆次然則榆次之分野不屬參井豈不曉然哉

上分野

按諸家言榆次者概曰并州冀州屬晉屬趙爲參爲井或且曰此固趙氏之食邑也夫趙之始封本造父故地在今趙城縣安得以秦秋將盡之私邑爲衰后高會之采鄙乎若乃傳言參爲晉星參之祀晉實主之然晉始

封實在南夏未有北土晚始啟疆又安得以此
殊躔異次者漫指爲一星所系屬乎是蓋譌
說相因未博考而悉究相其踈舛則劉子駿
所謂掩目而辨黑白者與

榆次縣志卷之一

山川

罕山在縣北五十里高出諸峰上爲縣鎮山舊志云勢特秀偉形勝冠一邑圖經謂之看山魏書地形志又名旱山蓋罕看旱北方音同云爾每望其巔雲氣翳發不崇朝而雨徧故歲旱邑人率以爲占其東北接壽陽境罕山引而西少南爲陰山少東南爲冀家山

冀家山其勢綿延望若屏蔽爲罕山左翼西南五榆次縣志

卷一

山川

十三

里爲烏金山

烏金山去縣四十里林木叢蔚爲榆邑清涼勝境中有龍池冬不冰夏不涸人傳文殊大士飲獮於此鄉人當旱時於池禱龍輒得雨旁有文殊石方一丈餘位若天置上建水晶院逸人居之紅砂山在烏金山東南十里峭壁密林沙石胥紅中有正壽寺其旁清泉湧出流歸澗河

陰山在罕山少西南形勢險峻上有深澗土寨羅列爲先世屯兵之所其東南爲

先鋒山亦有堊堊遺址

犢牛山在陰山西

老鴉山在犢牛山西怪石峻嶒峯巒陡峻爲諸峯最

大方山在老鴉山西南五里高數十仞四角嶄起少西南爲

小方山

中林山去縣三十五里在大方山西南卧虎山西草塚山東中揖羣峯林栢鬱茂四時望之皆浮

榆次縣志

卷一

山川

十四

青攢翠其上和合寺在焉

卧虎山形舁而險狀若虎伏史稱李克用與振武軍將戰於卧虎山兵敗而退其故處也

草塚山形墮而勢積如堆草狀續志名草堆山饅頭山麓平廣而頂尖削狀若牢丸故名

海螺山在大峪口西北半里許上有洪聖寺兔兒山在卧虎山東南二里

五太山在河口村西北二里下有五龍廟廟西爲五龍河

殺熊嶺在王胡鎮東去縣不十里宋制置使种師中戰死其地明初時嶺上林木猶多虜蔽後剪伐童然或改呼王胡嶺云

小五臺山在縣東北二十餘里舊志謂旁列林巒俯瞰泉石爲居人遊賞地今林樹已濯濯無存蘆山寺憑之內有文殊之跡九曜龍池兼有孔子像不知何人所營寺多古碑亦剝落不可紀矣

其東南之山絕遠者八縛嶺魏書地形志八賦嶺榆次縣志

卷一

山川

五

也距縣一百里山勢環帶綿延數里山之東南遼州和順縣其西北境則榆次矣八縛水出其下又東北大涂水出焉其西與八縛對者爲栢翳山其北十里爲曹家嶺

曹家嶺長亘十餘里上有鱉蓋趙朶諸寨古避兵處也西北爲

爲
猶頭嶺明崇禎中知縣任濟勦土寇於此又西北

漫天嶺三嶺相望勢俱險峻

神林嶺在曹家嶺北去縣八十里雄偉兀立高出羣山形勝爲東南之冠其地古叢林薄故陰寒積雪至夏不消嶺東接和順縣境

鷹山舊志謂去縣東南八十里小涂水出焉今不可考神林嶺北三里有山兀竦土人或稱雁山山後東爲雁溝屬和順西爲圍子溝溝水入大涂舊志謂鷹山者或卽此歟其北三里爲盤腸嶺

盤腸嶺危峻難躋取徑紆曲如盤腸然故名

榆次縣志

卷一 山川

六

神山在盤腸嶺東北三里其下溝水亦入大涂栢翳山在八縛嶺西八里四壁陡峻高數十仞蹊徑僅可容步亦名栢翳寨

三縣壩在栢翳山少南其西南屬太谷東南屬和順西北則屬榆次

帽帽山在栢翳山西北又西北爲架嶺

架嶺嵐光霏結黛色叅空備極秀偉之狀其北爲青楊嶺

青楊嶺綿亘十餘里山在涂水之西土人又稱爲

大西山嶺其最高處也層巒起伏衆壑紆迴其上林木鬱茂四時皆青與南北諸山有中處聯絡之勢

紅羊山在青楊嶺少西北五里相傳牧者陷羊於穴中覓得之則毛盡赤蓋硃砂洞也再往遂失其處上有大尖小尖寨怪石巉巖天然壁壘爲昔人避兵之所

杜家山在紅羊山西南十里在石梯嶺南在大羅山東長亘五里其東爲大塔峰金水河出焉

綸次縣志

卷一 山川

七

石梯嶺在白田村東鑿石爲蹬如梯然長十餘里大羅山山勢平行亘五里西南屬太谷縣東北則屬榆次

分水山在白田村西一里盛夏雨集水自山而下東北入涂東南入金水河西入圪塔河鳳頭壩在段和庄北里許

魯仙山在白田村北五里西南距大羅山十五里巒壑周圍危峰特峙東南望八縛神林諸嶺西北指寶峯鹿臺諸山俱朗若列眉上有古剎曰

靈峯寺亦名魯仙寺

麓臺山在魯仙山西北二十里一曰鹿臺山亦名鹿蹄山高數十仞山椒平行魏書地形志榆次有鹿臺山祠今無考土人稱曰山頭北三里爲麓臺村卽麓臺寨有智伯廟四面皆溝形勢扼要少東南爲寶峯山

寶峯山俗名浮圖山去麓臺五里蜿蜒偉特山半有寺鐘樓高踞其巔下有龍池澄澈如玉其東五里爲神頭山

榆次縣志

卷一

山川

六

神頭山相傳有智伯墓國人刻木爲首以葬故名與寶峯山對峙舊志謂神林嶺與寶峯並峙者誤

南北藺交嶺東南距魯仙山西南距神頭山俱五里許分峰屹立涂水經其中北藺交之陽有石壙焉舊志所謂藺交古墓也

榆城坂去縣東南三十里舊志云壁立數十仞旁徑險仄輪蹄多摧宋賀方回過之有詩中爲榆城村高處有榆城寺其地多柳邑中以榆城烟

柳爲八景之一上有土寨下有懸壑可避兵今考之在昔路險林深頂成大道矣

紫巖山在什貼西北距縣六十里接壽陽境俗稱長者頭相傳唐李通玄著華嚴經論於此中有華嚴寺其山松柏叢生遙望蔚秀蒜峪芹峪二水俱出其下

洞渦水源出樂平縣西四十里隄泉嶺嶺高半里許右有二泉始可濫觴卽洞渦水也水經注云洞渦水出沽縣北山今樂平縣卽漢沽縣也至

論次縣志

卷一 山川

七

嶺下諸水會集泛灑成河西流十里至店上地又二十里至平定州廣陽鎮稍西北經流松曲許庄凡二十四里至松塔浮化水自平定西浮化山行至裴村合龍泉水凡二十四里來注之又四里木瓜水自和順木瓜嶺經白木寨馬坊合石猴嶺水凡七十五里來會之水經所謂南谿水也復西流四里至李莊入壽陽南界又二十四里至羊頭崖又十三里有冷泉寺寺西黑水白壽陽西北七十里偕其縣西龍門水東北

童子河東壽水曲折行五十里來會之又西三里經盧家莊有水自南來注之卽蒲谷水也又西流六里至建公穴穴大可三四畝水深不測相傳其中有怪物焉又西行十八里至西落過大陂入榆次縣界稍西北行下峪河入焉經東趙村石家陂河入焉入縣境西流凡十三里至北合流村大涂水合小涂水來會之又西五里源澗水行半里餘自北注之經縣東南又西南流凡五十里由永康鎮過郝村入徐溝縣境

榆次縣志

卷一

山川

三

按水經注洞澗水過榆次縣南又西至晉陽縣南西流入汾考之前明時河流由榆次永康入太原北格諸村西流入汾正與水經注所言合今河西流於徐溝經其縣之良隆意西同戈白樹董家營王答郝家營黑石屯諸村以達清源而洞澗流自王答以西至桃花營氾濫四溢無所歸宿不能入汾者已十餘年爲徐溝人病久矣夫水之行必有其道則委輸順而湯越盤蹇大其道則壅閼甚而成

迴逆之勢故善治水者貴先治其下流疏其鬱而利其達則循軌而行何湮墊之患乎今爲洞澗計者宜求其自太原入汾故道濬而引之使復其舊上也否則求其自徐溝至清源以入汾者而爲之渠以導達之歲加疏濬令水行無滯又一策也此誠郡邑之要務若因循不顧任其自然謂可無事至歲月愈久太原之故道亦愈塞徐溝之泛漫亦將愈甚且水不得其潤下之性亦必滋爲暴怒恐河流挾其怒勢徙決不常今之患在徐溝者後且復在太原又如食噎甚必轉而爲嘔而下流遏絕者將激逆而及榆次是三縣之人方當交被其困也至是始謀治之事益難而功愈費傳所謂鬪而鑄錐渴而穿井不亦晚乎又按周秦已前止聞涂水自桑欽作水經洞澗水始著焉然以魏書地形志論之凡五水合流而過故謂之同過若大小涂則皆合於是是以注汾者也由斯言之洞澗宜居衆水之

先矣

又魏地形志云五水合流同過然其所指唯四水而缺其一若同過水出木瓜嶺一出沾嶺一出大廉山一出原過祠下此四水其明稱者其一未言者不知何水而大廉山今亦不知所在常試推之其云出木瓜嶺者卽今木瓜水出沾嶺者卽今洞渦水出原過祠下者卽今源渦水至所謂出大廉山者恐非二涂水別無以當之者今言大涂水皆云出八

縛嶺然實在八縛東八縛之東山在古或名大廉而魏志因以稱之而大涂出其下則云一出大廉山也大涂小涂合洞渦木瓜源渦正得五水然大小涂一水其名其出未遠卽已合流是二涂水猶一水也志是以明稱五水而缺其一不復著使觀者自得之抑志云同過水出木瓜嶺是木瓜水本應稱同過水卽源渦大小涂亦得兼以同過名之矣又按水經注作洞渦魏志作同過

過讀如歌

他書或作

同戈宋史作洞鍋宋史紀事又作銅鍋凡一水而字異者五

大涂水出八縛嶺湖海坪西流二里經後溝又五里至霍城村八縛水自東南來注之又西北流四十里至石槽頭小涂水自東北行三十里來會挾小涂合流不十里經蘭交有小泉水出自南山下來注入焉又西北行經合流村環中都故城與洞澗會

小涂水舊志謂發源縣東南八十里鷹山今縣人

榆次縣志

卷一

山川

三

無識鷹山者考水入大涂者有二一出雁山圍子溝十五里至故庄又十里至王家庄又十里至石槽頭南入大涂水一出神山孤神頭西流十里經千佛寺橋又西十二里經張家庄又五里經原家峪又西三里至石槽頭北亦入大涂水雁山神山距縣俱八十里許舊志所指小涂二水未知孰是姑並存之以備考

按地形志榆次有長寧水西北合同過縣志郡志皆逸其名殆不復知有是水矣以今考

之當卽大小涂水是夫世代推移山川土地之名亦多逐時變若夫邾子之國後乃訛鄒滹沱之水晉爲惡池列子五行更號太行禹貢滄浪改作夏水由來久矣

八縛水出八縛嶺西北行十里至霍城村合於大涂

叅舊志木瓜水至縣東南與八縛水會於傾城西省志府志亦並云合八縛水今考之木瓜水出和順縣木瓜嶺行三十八里至樂平

榆次縣志

卷一 山川

三

縣境馬坊村又三十七里歸於洞渦則平定境矣榆次無木瓜水經流之處故去之

牛坑水出縣東南三十里紫坑村紫坑溝溝起張平村距村二里許名茫茫壑壑東水東流由蘭交以八涂其西則西流成溝由張平五里至下黃彩又五里至橋頭村又十里至紫坑村南泉水出焉舊志謂牛坑水者在此又里許至李蘇又五里至藥村北又五里達西塢溝泉水混混卽續志所載西塢溝水者也流至西塢經庄子

南北要郭村入於洞渦

杜堡溝水溝起縣東南上黃彩村西少北十里至揚壁又十里穿福堂東祁間又五里至杜堡卽續志所謂杜堡溝水也西北五里至楊梁又十里至雙村亦名牛耕水纏爲南北二渠 溝水自北渠西行少北復西經南要修文村地凡十里入洞渦

源渦水源出縣東八里源渦村其泉湧出大寒不冰泉側草木冬榮又名爲溫泉唐貞觀中縣令

榆次縣志

卷一 山川

三五

孫湛引以灌田南行半里許入洞渦又源渦橋北別有泉亦入洞渦續志謂之暖水泉

按源渦水乃原過水之訛水經注洞渦又西與原過水合水西阜上有原過祠棟宇雖淪叢木猶茂故水取名焉今其處有龍祠蓋原過祠當北魏時已廢後人不復知而水之稱因是亦久失其故矣

寒泉水出縣東井峪村龍祠下行十餘里經甲郝西郝間注洞渦

北合流水出村東龍祠下南行注洞渦

東趙河出東趙村西北石家坂經小五臺南入洞
渦

下峪河源發十里溝經辛置東河後溝下峪諸村
入洞渦下峪河至後溝縣東北四十里栢林頭
大佛溝水來合之又有李方水出李方村北神
祠下每水漲泉湧流入下峪河下峪挾之同入
焉

金水河源出縣東南杜家山大塔庄蜿蜒而西經

榆次縣志

卷一

山川

三

西河庄而南五里入太谷縣北郊村至温庄村
有水出自太谷縣西石土村經蒲城村西南十
里至温庄與杜家山水合復有水出太谷梁平
村流經榆次縣朱村之南西行十里復入太谷
東賈村與杜家山石土二水合皆稱金水河河
流由東賈經任村郭訓村西南十餘里至縣之
東陽鎮漸向西北行東陽及西陽諸村連纏爲
渠引以灌田

府志舊志無此水省志續志由東陽鎮入徐

溝界歸於涂水不知涂水自縣之合流村入洞渦則自合流村下但有洞渦而無涂水矣徐溝安得此水哉以爲入洞渦則可今考金水甚微若霖雨水發則下流入渠散溢無歸洞渦之跡

圪塔河起縣東南六十里西窪村西二里許西行經子中平歷麻地溝金寨十五里至施家橋續志所稱華豹溝也復西行經福堂村又西五里是爲圪塔河溝又西至張胡村南行入太谷

榆次縣志

卷一

山川

三

縣大郭西卜等村復西行入縣境縣之魏業聖許等村當其下流引以爲渠資灌溉焉

省府二志皆無此水以上縣東南諸水自大涂至下峪皆洞渦所渠併唯金水圪塔二河不與洞渦通

洞河在縣北十五里原出壽陽縣李家山西行穿山谷間出至胡家巖下股派岐出南流底郭家溝入榆次縣境經蒜峪村蒜峪水合芹峪水入焉又南蘇河水入焉又西南折西行經左付村

汶溝水入焉又西行鞋底嶺水入焉又委蛇西南行經沛霖村田家庄諸村而西經神堂溝白龍河水入焉又西經蘇村峪頭村溝店稍南折經鳴謙南又西行至秋村鳴李村東北而清水河自北來入焉凡澗河入榆次折行七十餘里入於太原自太原境西行二十餘里經東溫庄小店鎮歸汾河也

今考澗河之委自武宿王名等渠口出榆次界入太原界西流入汾河二十五里通汾河

榆次縣志

卷一

山川

二六

之處從小店鎮北有河槽河壁高或三四丈或五六丈隨地勢不等河槽底濶七丈二尺係挑濬所致故尺丈畫一

又按澗河在宋時縣令桑安世引以灌田今河水下流多澗必霖雨大集山水漲發河流始盛能達於汾不然亦不能入汾也其河流或經年不下者有之甚或數年不下者有之乾隆十三年六月河水盛下河傍諸渠引瀦皆備

清水河一名寺峪河出城北五十里罕山下西南行歷東溝平地泉大峪口小峪口諸村俱穿山谷間諸溝霖水以次畢注而清水則至大峪口南伏流由小峪口南經流村人歡渠口又南經鳴謙驛東而伏流復出稍西南行經至村凡三十五里入於澗河

按舊志稱清水河源出孟家井謬

芹峪水出紫巖山東南三里土人稱爲蔓菁溝西南流五里許至南山灘合蒜峪水入澗河

榆次縣志

卷一

山川

三五

紫峪水出紫巖山南三里流里許至南山灘合芹峪水西流五里入澗河

白龍河源出縣東北二十五里龍白村龍白溝西流合窰頭溝水入澗河

蘇河水源出縣北四十里龍池頭西流七里至高壁村北入澗河

後溝水出烏金紅砂冀家山諸溝之水至後溝合爲後溝水南流入澗河

鞋底嶺水出烏金山南鞋底嶺溝南流入澗河

東溝河卽舊志所謂沙河也出中林山下合世佛溝羊溝龍池溝諸水流至鳴謙驛西七里故又稱七里河西南流入太原地

磚井河草垛饅頭山下諸溝之水至劉家嘴衆派滙合南流經土地坡又西南入河口至磚井村穿洪佛寺前西南流入太原地

五龍河出五太山下過磚井村西西南流入太原地

以上縣東北諸水清水河至鞋底嶺水皆澗

榆次縣志

卷一 山川

三

河所渠併惟東溝磚井五龍諸河山水漲發下流散溢入地皆不與澗河通

縣之水不一其大唯洞渦澗河二者以爲經衆水緯焉眉目朗設勝披縣圖矣昔一行論中國有山河兩戒後鄭君談禹貢亦表川瀆四際以言九州一縣方之何勿如是故雖百里中而洞渦澗河猶南北兩條矣其宜於地脉與渠漑之利抑尤繫焉若夫二水皆達於汾而下流通塞關利病者大故備述而悉論

之

津梁衢路附

什貼土橋 在縣東北四十里初建三義廟南明萬歷三十六年知縣王應楫改建廟北鄉貢王策記其事地當孔道輪蹄雜沓又潦水衝決易致傾圮里人因時修舉常弗替云

流村石橋 在縣北二十里主事張國儒記云地屬往來通衢歲當夏秋淫雨洪濤衝被毀齧深窪濘險人不可行壽官王經學乃建石橋知縣

榆次縣志

卷一 山川

三

張鶴騰以俸金助工始於萬歷二十七年八月成於明年三月上下悉砌石濶一丈七尺長二丈六尺高與濶等後霖潦傾圮雍正二年邑令張孫鉉重建

聶村石橋 在妙智寺前建自前明年月無考康熙五十一年水決橋毀鄉人捐資募工取村南廢橋遺石修補完固車徒稱便屹然巨觀

龍白村石橋 在村東始建不可考

青龍橋 在縣之傅村土橋也初名灞陵康熙二

十六年積潦衝塌時劉星知縣事捐金倡修之
更名曰青龍以爲邑中科第風水之利而行者
亦便邑諸生張際昌爲碑樹橋左

源渦橋 甃石爲之亦名永濟橋始建不及考明
正德中里人原耀等萬歷中桂廷軌等國朝順
治三年甯琇相繼修

永濟橋 在慶城村南五里明弘治七年民崔良
貫等建雍正八年圯里民李長奎等修

下黃彩橋 邑人孫璵記云村西有澗深百尺舊
榆次縣志 卷一 山川 三

架木爲橋以通行者然山水時發木漂而人多
傷於是里人趙恭修之架大木實以堅土明正
德五年橋成勢甚完固萬歷中重修知縣徐守
謙刻石紀事

紫坑溝橋 在村東五里續志謂天然石洞便民
往來康熙四年里人趙光俊等修

雙村石橋 在縣南十八里牛耕水漲不便往來
乾隆九年里人募衆爲梁遂無病涉之患

信脩橋 在雙村北一里跨牛坑水甃石爲之雍

正四年里人公建

千佛寺橋 在孤神頭西十里千佛寺前小涂水經其下明正德七年里人劉碧等建

坑東土橋 在縣東南五十里坑東村雍正五年築

許曲土橋 在縣東南三十五里許曲村乾隆七年築

木瓜橋 亦土橋也在白田村西北三里許溝中產木瓜樹故名康熙二十四年村人劉化龍等

榆次縣志

卷一

山川

三

築

施家橋 在縣東南五十里施家庄之西里許亦土橋也不知何時築

長寧橋 在源澗東二里許爲遼和通衢順治七年知縣楊三知督任達等重修生員劉學益記雍正十年李通等重修

東郝橋 在縣東南五里乾隆十三年重修里人刻石記事

中郝橋 在縣東南五里雍正九年郝佩等重修

西郝橋 在縣東南五里

郭村橋 在縣南五里嘉靖二年村人郭恩州等

建雍正元年重修

修文橋 在縣南十五里志作十里路當通衢明嘉

靖四年諸生張哲記云昔有司於農隙之候督

近都民夫架橋以備往來然率皆逋慢故踪跡

徒存病涉猶是有民田氏者集鄉衆建設板橋

材質堅樸輪蹄雜沓坦然由之

懷仁橋 在縣西南十五里乾隆十四年里人公

榆次縣志 卷一 山川 三十四

建

以上七橋俱為病涉洞渦而設用土木浮架

至冬而建春融而撤舊志唯載中郝郭村修

文併永康四橋今永康橋已廢又舊志載萬

春橋張慶橋及內白村橋見董魁記今俱廢

續志楊梁橋傾圯亦久范家堡橋暨縣西橋

皆跨渠通行者小不足記故悉去之

石梯嶺路 在縣東南六十餘里西起白田村逾

慶和坡東訖溝口山徑崎嶇迤邐十五餘里為

遼和路明萬歷三十五年西窪村人李才元等
闢爲坦途往來稱便雍正九年仁烏村人劉學
舜等重修

神林嶺路 在縣東南七十里西起溝口經龍科
村至神林嶺崇宏不一約十五里許爲和順路
亦萬歷中李才元等修雍正九年劉學舜等重
修

橋衢之事曷乎書曰單子論之矣成梁除道
蓋皆官政自官府或勿之及而民乃目爲其
興庸輸力以底成務則通濟之義在焉是以
志其績也